



RÍKISLÖGREGLUSTJÓRINN

ALMANNAVARNADEILD



Embætti
landlæknis
Sóttvarnalæknir



Berist til: Fjölmíðlar, almannavarnir.is, stjórnýsla og tengiliðir sóttvarnalæknis.

STÖÐUSKÝRSLA

Dags: 02.04.2020

Kl.: 17:00

Staðsetning: Samhæfingarstöð almannavarna/Embætti landlæknis/Sóttvarnalæknir,

Neyðarstig vegna COVID-19

Framvinda

Unnið er hörðum höndum að því að miðla upplýsingum og ráðleggingum til almennings, stofnana og fyrirtækja. Allar leiðbeiningar er að finna á heimasíðu

[Embættis landlæknis](#), [Ríkislögreglustjóra almannavarnadeild](#) og [Upplýsingasíðunni covid.is](#)

Rakning C-19 Í dag kom smáforritið (appið) Rakning C-19 er mikilvægur hlekkur í því viðamikla starfi sem er í gangi vegna Covid-19. Appið hjálpar til við að greina ferðir einstaklinga og rekja saman við ferðir annarra þegar upp kemur smit eða grunur um smit. Appið er aðgengilegt í [App Store](#) og [Google Play](#).

[English](#) [Polsku](#)

Mikið álag er á Læknavaktinni og Heilsuveru. Við hvetjum fólk til að kynna sér upplýsingar, sem eru á ofangreindum vefsíðum.

Fjöldi staðfesta smitaðra hér á landi er nú 1,319 og 1,031 eru í einangrun. Alls eru 927 innanlandssmit og ekki vitað um uppruna 85 smita. Samtals hafa um 20,930 sýni verið tekin, 1,612 síðasta sólarhring. Af þeim sem greinst hafa með COVID-19 á Íslandi eru fjórir láttnir.

[Skv. tölum Landspítalans](#) eru 42 innlagðir sjúklingar á Landspítala með COVID-19 smit, þar af eru 11 á gjörgæslu og 8 á öndunarvél. 950 eru í eftirliti á Göngudeild COVID-19, þar af 108 börn í eftirliti Barnspítala Hringins. Þá hefur 284 einstaklingum batnað og 27 einstaklingar hafa verið útskrifaðir af spítalanum.

Upplýsingafundur dagsins

Þátttakendur: **Víðir Reynisson**, yfirlögregluþjónn, **Þórólfur Guðnason**, sóttvarnalæknir, **Alma D. Möller**, landlæknir og **Páll Matthíasson**, forstjóri LSH.

- Tveir einstaklingar létust á Landspítala sl. sólarhring. Samtals hafa því fjórir eintaklingar látið lífið af völdum COVID-19 á Íslandi.
- Þórólfur lagði áherslu á að það væri verið að beita aðgerðum úr tveimur strategíum gegn COVID-19; einangrun og bælingu (e. suppression and containment) annars vegar og hins vegar skaðaminnkandi aðgerðum (e. mitigation). Ekki rétt að ætlunin sé að 60-70% landsmanna muni sýkjast.
- Samkomubann í gildi út apríl og væntanlega til 4. maí. Ekki talin þörf á að loka skólum. Gögn frá Imperial College og OECD sem styðja þá afstöðu. Áfram gripið til harðari aðgerða þar sem hópsmit myndast, s.s. í Vestmannaeyjum, Hvammstanga og hugsanlega nú á Vestfjörðum.
- Ekki mikið samfélagslegt smit samkvæmt gögnum frá deCode.
- Fylgjum spánni ef frá er talin fjöldi alvarlegra tilfella og á gjörgæslu sem er örlítið fyrir ofan svörtustu mynd. Það skýrist mögulega af skorti á gögnum en líkanið byggir að miklu leyti á gögnum frá Kína þar sem heilbrigðisþjónusta hefur hugsanlega ekki náð að uppfylla þarfir. Gjörgæsluþjónusta því vanmetin í gögnum.
- Athygli vakin á skorti á heilbrigðistarfsfólki á heimsvísu sem er uppsafnaður vandi.

Rakning - COVID-19

Hjálpum rakningateymi almannavarna að rekja hugsanleg COVID-19 smit á Íslandi.

Hvernig virkar appið og hvaða upplýsingar geymir það?

Appið vistar ferðir þínar og geymir þær með öruggum hætti í tækinu þínu. Í ákveðnum tilvikum getur rakningarteymið sent þér tilkynningu og beðið þig um að senda þeim gögnin. Þá getur þú með einum smelli sent gögnin til rakningateymis almannavarna. Er það gert til að auðvelda rakningu smita meðan á COVID-19 stendur.

Tækið geymir staðsetningar síðustu 14 daga. Eldri gögn eyðast sjálfkrafa.

Aðeins símanúmerið þitt er geymt í miðlægum notendagrunni, engum öðrum upplýsingum er miðlað þangað.



Skrá mig í rakningu

- Brýnt fyrir fólki sem finnur fyrir breytingu á bragð- og lyktarskyni að láta taka sýni.
- Fólki hvatt til þess að sækja Rakning C-19 appið.
- Aðspurð um kjarasamninga hjúkrunarfræðinga brýndu Alma og Páll mikilvægi þess að finna lendingu fyrir samningsaðilum.
- Páll telur að að spítalinn geti nú mætt aukinni þörf fyrir gjörgæslu.
- Alma sendi minnisblað til ráðherra í morgun (2. apríl) í ljósi breyttra forsenda um aukna fjárúthlutun til heilbrigðisþjónustunnar.

Upplýsingamiðlun og verkefni

Í Samhæfingarstöð almannavarna fer fram samhæfing aðgerða og upplýsingagjöf á landsvísu vegna COVID-19.

Landhelgisgæslan Álag á stjórnstöð Landhelgisgæslunnar hefur aukist síðustu daga og fjölmargar tilkynningar borist um veikindi sjófarenda. Varðstjórar hafa því verið milliliðir við hafnir, sóttvarnalækni, lögreglu og heilbrigðisyfirvöld á hverjum stað og leiðbeint áhöfnum báta og skipa vegna slíkra mála. Landhelgisgæslan verður vör við að áhafnir gæti fyllstu varúðar og séu varar um sig ef vart verður við veikindi um borð í skipum. Það er afar jákvætt að skipverjar séu á varðbergi ef grunur er um smit um borð. Varðstjórar stjórnstöðvar hafa staðið frammi fyrir ýmsum nýjum áskorunum sem krefjast aukins samstarf við fjölmarga aðila og hefur samstarfið verið til fyrirmyndar. Varðskipin Þór og Týr eru bæði við eftirlit á hafinu. Ferðir varðskipanna voru lengdar í síðasta mánuði úr þremur vikum í fimm. Úthald Týs hefur til að mynda staðið yfir í mánuð og lýkur ekki fyrr en í næstu viku en þá hefur varðskipið Þór verið í tvær vikur á sjó. Þylusveit Landhelgisgæslunnar náði í möguleg COVID-19 sýni til Vestmannaeyja um síðustu helgi og áhafnir loftfara Landhelgisgæslunnar eru til taks ef flytja þarf COVID-19 smitaða á sjúkrahús í Reykjavík.

Rauði krossinn. Vegna álags á Hjálparsíma Rauða krossins 1717 og netspjallið 1717.is [hefur félagsmálaráðuneytið](#) ákveðið að styðja við þjónustuna. Stuðningurinn mun efla Hjálparsímann og netspjallið í að sinna meðal annars fjölskyldum, börnum og ungmennum, fötluðu fólki öldruðum og fólki af erlendum uppruna á þeim fordæmalausu tímum, sem nú eru uppi. Þetta gerir Rauða krossinum á Íslandi kleift að sinna hlutverki sínu betur.

Heilbrigðisstarfsmenn í Samhæfingarstöðinni eru að skoða húsnæði, sem nota mætti sem varasjúkrahús í samstarfi við Landspítalann. Jafnframt eru þeir að setja saman heildaráætlun fyrir heilbrigðisstofnanir um viðbrögð við COVID-19. Einnig er verið að huga að hlífðarbúnaðarmálum til að tryggja að ávallt séu nægar birgðir af nauðsynlegum búnaði.

Borgarþjónusta utanríkisráðuneytisins hefur svarað um 4600 fyrirspurnum frá 14. mars. 11.400 hafa skráð sig í grunn borgarþjónustu frá 25. febrúar en af þeim er gert ráð fyrir að ríflega 8000 séu komnir heim eða hafi ákveðið að vera um kyrrt. Þá hefur borgarþjónustan hringt í rúmlega 2000 manns sem samkvæmt grunninum voru staddir erlendis og af þeim eru um 75% komin heim eða dvelja áfram erlendis. Enn hefur dregið úr framboði á farþegaflugi og landamæri eru víða lokuð. Borgarþjónustan vinnur áfram að því að leiðbeina fólki sem hyggur á heimleið og á náð samráð við borgarþjónustur Norðurlandanna og annarra nánna samstarfsríkja í Evrópu.

Viðbrögð við Covid-19 smiti í Bolungarvík

- Nokkur Covid-19 smit hafa verið staðfest í Bolungarvík. Aðgerðastjórn almannavarna á Vestfjörðum hefur í samráði við sóttvarnalækni og almannavarnardeild ríkislögreglustjóra ákveðið að bregðast við Covid-19 smiti í Bolungarvík, Hnífsdal og á Ísafirði með hertum aðgerðum, eins og hér greinir:
 - Leik- og grunnskólum í Bolungarvík og á Ísafirði verði lokað frá og með morgundeginum 2. apríl 2020. Þó skulu börn á forgangslistum fá vistun á leikskólum og 1. og 2. bekkjum grunnskóla.
 - Samkomubann verði miðað við 5 manns (þetta á þó ekki við um fjölskyldur sem búa á sama heimili)
 - Fjöldi viðskiptavina í stærri verslunum (>150 fermetrar) sé að hámarki 30 á hverjum tíma
 - Hvatt er til þess að fólk haldi sig heima, haldi samskiptafjarlægð, takmarki ferðir og fylgi leiðbeiningum yfirvalda.
- Sjá [frétt á Facebook lögreglunnar á Vestfjörðum](#).

Vefurinn www.covid.is

Upplýsingar um tölfræði sjúkdómsins eru uppfærðar einu sinni á dag og birtar kl. 13:00 á vefsvæðinu covid.is

Á vefnum er hægt að nálgast upplýsingar um aðgerðir hér á landi vegna sjúkdómsins sem veldur COVID-19. Vefurinn er í sífellndri þróun og uppfærður reglulega. Hann er sem stendur á íslensku, táknmáli, ensku og pólsku. Einnig eru valdar upplýsingar á arabísku, spænsku, kúrdísku, litháísku, persnesku og tailensku.

Framundan:

- Upplýsingafundur fyrir fjölmiðla eru áætlaðir alla daga kl. 14:03.
- Næsti stöðufundur vegna COVID-19 er áætlaður föstudaginn 3. apríl kl. 9:00.

Samráð og frekari upplýsingar

- **Allir íbúar Íslands** sem hafa dvalið erlendis og snúa heim 19. mars eða síðar þurfa að fara í sóttkví í 14 daga. [Sjá upplýsingar á vef embættis landlæknis.](#)
- Lýðheilsusvið embættis landlæknis hefur tekið saman heilræði sem byggja á niðurstöðum rannsókna á því hvað er gagnlegt að gera til að hlúa að andlegri, líkamlegri og félagslegri vellíðan. [Heilræðin eru nú birt daglega á vef.](#)
- [Sektir fyrir brot gegn sóttvarnalögum vegna COVID-19.](#) Frétt á vef stjórnarráðsins 27.03.2020.
- Fréttatilkynning heilbrigðisráðherra: [Hertar takmarkanir á samkomum – mörkin sett við 20 manns](#)
- [Leiðbeiningar fyrir einstaklinga með áhættubætti fyrir alvarlegri sýkingu \(uppfært 30.03.2020\)](#)
- [Leiðbeiningar til veitinga og gististaða vegna hámarksfjölda í hópum og hverju rými](#) . Nú er sem kunnugt er búið er að herða kröfurnar vegna samkomubanns og hámarks fjöldi í hópum og hverju rými er 20 manns. Ferðamálastofa hefur í samvinnu við Embætti landlæknis og heilbrigðisráðuneytið unnið leiðbeiningar. Munum einnig 2ja metra regluna.
- [Vinnueftirlitið hefur heimildir til að loka vinnustöðum sem ekki virða hið nýja samkomubann](#) Vinnueftirlitið beinir því til vinnustaða að hlíta hertum reglum um samkomubann. Að öðrum kosti er litið svo á að þeir ógni öryggi og heilbrigði starfsmanna sinna. [Sjá uppl. í tengslum við COVID-19.](#)
- [Stjórnvöld koma til móts við vinnumarkaðinn.](#) Samþykkt frumvarp um rétt til greiðslu atvinnuleysisbóta samhliða minnkuðu starfshlutfalli vegna tímabundins samdráttar í starfsemi vinnuveitanda.
- Alþingi hefur samþykkt frumvarp, félags- og barnamálaráðherra, um rétt til greiðslu atvinnuleysisbóta samhliða minnkuðu starfshlutfalli vegna tímabundins samdráttar í starfsemi vinnuveitanda. Lögin fela í sér að laun sem greidd eru [samhliða minnkuðu starfshlutfalli](#) koma ekki til skerðingar á atvinnuleysisbótum [Verktakar og sjálfstætt starfandi sækja um á Mínum síðum.](#) Skila inn vottorði frá RSK um að rekstur hafi dregist saman.
- [Bakvarðasveit lögreglu.](#) Óskað er eftir fólki, sem lokið hefur prófi frá Lögregluskóla ríkisins eða diplómaprófi í lögreglufræðum ásamt starfsnámi á vegum lögreglunnar.
- [Bakvarðasveit heilbrigðisþjónustunnar.](#) Heilbrigðisyrifvöld óska liðsinni heilbrigðisstarfsfólks úr hópi heilbrigðisþjónustu sem starfa hjá opinberum heilbrigðisstofnunum. [Bakvarðasveit félagsmálaráðuneytis Félags- og barnamálaráðherra og Samband íslenskra sveitarfélaga, vinna í sameiningu að því að koma á fót bakvarðasveit í velferðarþjónustu.](#)
- [Bakvarðalista fyrir Dýralækna- til að sinna dýralækningum.](#) sem atvinnuvega- og nýsköpunarráðuneytið, ásamt Matvælastofnun og Dýralæknafélagi Íslands hafa sett upp. [Bændasamtökin](#) hafa komið á fót miðlægðri afleysingaþjónustu fyrir bændur.
- [Leiðbeinandi viðmið um íþrótt- og æskulýðsstarf í ljósi takmörkunar á skólastarfi og samkomum.](#) Leiðbeinandi viðmið um hvernig beri að túlka auglýsingar um takmörkun á samkomum vegna farsóttar og takmörkun á skólastarfi vegna farsóttar þegar kemur að íþrótt og æskulýðsstarfi barna, ungmenna og fullorðna.
- [Heilbrigðiseftirlit Reykjavíkur – upplýsingasiða vegna COVID 19.](#)
- Sjá [fyrirmæli landlæknis um að hætta valkvæðum aðgerðum](#) þannig að unnt sé að sinna sjúklingum með COVID-19 jafnframt því að veita aðra nauðsynlega heilbrigðisþjónustu.
- Hægt er að nálgast upplýsingar um niðurstöður sýna frá Íslenskri erfðagreiningu/Decode í Heilsuveru undir valmyndinni „Samskipti“. Innskráning með rafrænum skilríkjum.
- Tölfræðispá Háskóla Íslands er birt á vef www.covid.hi.is.

- Vefsíðan <https://island.is/> er upplýsinga- og þjónustuveita opinberra aðila á Íslandi. Þar getur fólk og fyrirtæki fengið upplýsingar og notið margvíslegrar þjónustu hjá opinberum aðilum á einum stað í gegnum eina gátt. Vefurinn er einnig á ensku.
- Þeir sem þurfa að sitja í sóttkví geta nú sjálfir skráð upplýsingar inn á vefinn heilsuvera.is og fengið vottorð þar að lútandi. Vottorðin eru án endurgjalds. Vakin er athygli á því að skráning á heilsuveru krefst þess að notandi sé með rafræn skilríki. Þau sem eru ekki með rafræn skilríki þurfa að hafa samband við heilsugæsluna sína til að tilkynna sig í sóttkví. Þau sem þurfa að fá vottorð en eru ekki með rafræn skilríki senda póst á netfangið mottaka@landlaeknir.is
- Í morgun fundaði **Almannavarnadeild ríkislögreglustjóra** með systurstofnunum sínum á Norðurlöndum vegna COVID – 19. Stofnanirnar bera saman bækur sínar varðandi viðbúnað og viðbrögð vegna ýmissa þátta er varða framvindu COVID -19 sjúkdómsins. Samvinna og samtal þessara stofnana er mjög mikilvæg.

Staða mála


Ísland - staðan í dag

Uppfært kl. 13 daglega



COVID-19 á Íslandi - Tölfræði

- Upplýsingar á síðunni eru sóttar úr gagnagrunni á miðnætti.




Hlutfall smitaðra sem greinast í sóttkví



55%

þeirra sem hafa greinst voru í sóttkví




Fjöldi smita eftir kyni



Download data

Uppruni smits



Download data


Smit / sóttkví eftir landshlutum



| Landshluti | Smit | Sóttkví |
|-------------------|------|---------|
| Höfuðborgarsvæði | 982 | 3654 |
| Suðurnes | 62 | 333 |
| Suðurland | 126 | 730 |
| Austurland | 6 | 145 |
| Norðurland eystra | 35 | 325 |
| Norðurland vestra | 30 | 92 |
| Vestfirðir | 17 | 248 |
| Vesturland | 25 | 223 |
| Óstaðsett | 36 | 1416 |
| Útlönd | 0 | 0 |

Download data

Fjöldi smita eftir aldri



Download data

Kórónaveira – útbreiðsla erlendis

Í dag hefur sýking af völdum COVID-19 verið staðfest hjá **um 962,977 einstaklingi** samkvæmt John Hopkins og **um 49,180 einstaklingar** hafa látist. Þá hafa 202.935 einstaklegur náð sér eftir veikindin. Skv. ECDC er faraldurinn meðalstór fyrir hrausta einstaklinga en mikil lýðheilsu-ógn fyrir aldraða og einstaklinga með undirliggjandi sjúkdóma. Sjá vef [Sóttvarnastofnunar Evrópu \(ECDC\)](https://ecdc.europa.eu/) varðandi þróun mála í hverju landi fyrir sig. Sjá áhættumat ECDC.